Dissertatio medica inauguralis, De phthisi scrofulosa pulmonum: quam, annuente summo numine, ex auctoritate reverendi admodum viri, D. Gulielmi Robertson, S.T.P. Academiae Edinburgenae Praefecti, nec non amplissimi senatus academici consensu, et nobilissimae Facultatis Medicae decreto, pro gradu doctoris, summisque in medicina honoribus ac privilegiis rite et legitime consequendis, eruditorum examini subjicit Joannes Humberston, Cambro-Britannus. Societ. Reg. Phys. s. h. Ad diem 24. Junii, hora locoque solitis.

Contributors

Humberstone, John. University of Bristol. Library

Publication/Creation

Edinburgi: Excudebat Adamus Neill cum sociis, 1793.

Persistent URL

https://wellcomecollection.org/works/avtqe5kn

Provider

Special Collections of the University of Bristol Library

License and attribution


This material has been provided by This material has been provided by University of Bristol Library. The original may be consulted at University of Bristol Library. where the originals may be consulted.

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org



1512935470




UNIVERSITY OF BRISTOL

MEDICAL LIBRARY

Rosh. Med. 18





DISSERTATIO MEDICA INAUGURALIS,

DE

Phthisi Scrofulosa Pulmonum.

DISSERTATIO MEDICA INAUGURALIS,

DE

Phthisi Scrofulosa Pulmonum;

QUAM,

ANNUENTE SUMMO NUMINE, Ex Auctoritate Reverendi admodum Viri,

D. GULIELMI ROBERTSON, S.T.P.

ACADEMIAE EDINBURGENAE PRAEFECTI;

NEC NON

Ampliffimi SENATUS ACADEMICI confensu, Et nobiliffimae FACULTATIS MEDICAE decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

ERUDITORUM EXAMINI SUBJICIT

JOANNES HUMBERSTON,

CAMBRO-BRITANNUS,

Societ. Reg. Phys. S. H.

Non est in Medico semper relevetur ut aeger; Interdum docta plus valet arte Malum.

OVID.

Ad diem 24. Junii, hora locoque folitis.

E D I N B U R G I:

EXCUDEBAT ADAMUS NEILL CUM SOCIIS.

M DCC XCIII.

1011 V . 10

FOSTER CUNLIFFE,

Equiti Baronetto,

de Acton Park,

in Comitatu DENBIGH,

Benevolentia

et

Morum Probitate

conspicuo,

Hafce Studiorum Primitias

facras effe vult

AUCTOR.

DISSERTATIO MEDICA

INAUGURALIS,

DE

Phthisi Scrofulosa Pulmonum.

INTER varios morbos quibus affligitur genus humanum, funestior non extat alius, quam is, ad quem dissertatio nostra respicit. In eo, varia occurrunt symptomata, non solum effectibus primum in corpus editis molesta, sed quae, ob sequelam, omnino sunt timenda; quippe quae, aegrum vel cito proripere sato, vel lento morbo consicere possunt.

A

Phthifis,

Phthifis,

"Nulla fuit, nulla unquam aliis spectabitur annis."

flore aetatis mortalibus obrepens, sanitatem tacito, sed certo subruit pede, dum luxuriante animo, et vigente corpore, talis parum forsan expectaretur hostis.

Structura hominis perspecta, curam, quam ei intendit summus rerum opisex, ordinemque, quo varii in corpore motus persiciuntur, perpendens sibi singeret aliquis, machinam animalem, "arte prorsus divina fabricatam," ad fanitatem persectam, praesertim slorente juventa, fruendam, et conservandam, quam maxime esse idoneam. Et, si quidem homines naturae legibus eadem obtemperent alacritate, qua, voluptatis illecebras captant, ex aliqua parte saltem, se ita haberet res. Oeconomia vero animalis, a viribus ipsis, quibus ad varia opera fungenda idonea redditur, certas mutationes patitur, quae, citius aut serius, eam

in pristina elementa, ex necessitudine resol-

Luxus nocentes, ad quos persequendos se indies accingunt plerique, mutationes eas, quas, sanitatem corporis respiciens Natura expleri justit, non solum inordinatas reddunt, sed etiam morbos in corpore gignunt, qui, paulatim fanitatem minuendo, ante diem ad fatum homines perducere possunt, ad quod, pro Naturae legibus, eos semper vergere videmus.

Vitae genus, quod homo degit, ad corporis proclivitatem in morbos incidendi adaugendam, vel ad vires ejus in his repellendis corroborandas, multum conferre, fatis notum est; nec in ullo forsan exemplo, clarius conspicitur hoc, quam in morbo, de quo hic agitur. Attentione enim ad vitae genus debita, multas Phthiseos causas, aliquatenus saltem, si non ex toto, vitare possemus, ut postea fusius dicetur. At nunc, ad causas varias, quae vel proclivitatem

4 DE PHTHISI SCROFULOSA

proclivitatem ad Phthisin faciunt, vel in corpore opportuno facto, eam excitare possunt, enumerandas, sine mora memet aggredior.

CAUSAE REMOTAE.

Hae, ut loqui folent medici, in Praedisponentes, et Excitantes dividuntur.

Ad praedifponentes, quae, certum statum inducendo, corpus actioni excitantium opportunum reddunt, imprimis nostrum attendemus animum.

Causae quae ad Phthisin proclivitatem faciunt, ad capita sequentia reduci possunt; scilicet, ad Temperamentum certum,—ad Formam,—Aetatem,—vel Anni Tempestatem.

Ad Temperamentum.—Nonnullos videre licet homines, qui temperamento certo, et constitutione tutione corporis gaudent, fingularibus dignonoscenda fignis.

In his depingendis, nitidiore, vel magis concinno fermone uti non possumus, eo, quem adhibuit eruditus GREGORIUS, de hac re differens: " Temperamentum fanguineum,' ait ille, "dignoscitur, constitutione corporis ple-" niore, compagine molliore, cute delicata, " tenui, molli, calida, venis magnis, conspi-" cuis, caeruleis, eximio vultus colore, capil-" lis rufis, aut flavis, faliquando nonnihil " fuscis. Homines tali constitutione prae-" diti, praeter ordinem sentientes et irritabi-" les observantur, et pulsus habent solito fre-" quentiores, et fanguinis motum liberum, " et fecretiones et excretiones fere copiosas, " raro obstructas, et animum plerumque hi-" larem et laetum, aliquando levem: nam " animi, non fecus ac corporis varietates, a " Temperamento faepe pendent *." Affectio-

nes

^{*} Vid. GREG. Confpect. Med. Theoret. tom. fecund.

6 DE PHTHISI SCROFULOSA

nes scrofulosas, et phthisicas, cum hoc temperamento se maxime consociare, satis docet experientia.

Ad Formam.—Thorax minus capax, humeri prominentes, et costae depressae, ad homines ad Phthisin procliviores reddendos, multum, ut observatur, conferunt. Talis enim structura, ne libero per pulmones sluxu vehatur sanguis, cavet; unde pulmones, caeteris paribus, nimio distensi sanguine, et nonnihil plethorici evadunt; quod, Haemorrhagiis, vel obstructionibus, quae, quantum ad Phthisin movendam faciunt, mox dicetur, originem praebere potest.

Ad Actatem.—Cum intra annum decimum quintum, et trigefimum quintum, hunc morbum in plerisque exemplis accedere, plurimis confirmatur observationibus, inter causas ei faventes, haud immerito recensetur haec.

CULLENUS

CULLENUS celeberrimus quidem, exempla nonnulla verae Phthiseos in impuberibus, se vidisse memorat; sed talia rarissima esse notantur; et, ut unum vel alterum hujus exemplum, opinionem multa experientia validam subverteret, minime aequum foret.

Ad Anni Tempestatem.—Ineunte vere, vel finem autumni versus, praecipue adoritur hic morbus. Vicissitudines nimirum, quae tunc, tam frequenter se ostendunt, corpus jam tenerum male afficiunt, et mutationes inducunt, quae, causas alias concurrentes, postea memorandas, efficaciores reddunt, et sic morbo corpus opportunum facere possunt.

Causis jam enumeratis, alia adhuc addenda restat, quae ad Phthisin proclivitatem maxime essicit; scilicet,

Labes quaedam baereditaria scrofulosa.

Haec a parentibus, cum posteris communicata, corpori inhaeret, et medicorum sere omnium

nium consensu, Phthiseos ortui maxime favet. Talem corpori inesse labem, ex hoc probabilius redditur, quod Phthisis, non secus ac scrofula, eos, qui eodem temperamento, et forma eadem praediti sunt, praecipue invadit; et, quod Phthisis imprimis eos aggreditur, qui stirpe scrofulosa orti sunt, vel eos, quorum parentes, vel horum etiam majores, struma laboraverunt.

Ab hac re parum attente confiderata, vel prorfus forsan incognita, sopinionem, Phthisin nonnunquam causas fortuitas agnoscere, nulla labe haereditaria praegressa, profluxisse, verisimile videtur. Quod, ni multum fallor, vix evenire potest.

Nonnunquam in corpore latuit labes haec, nec, quibus certo detegi posset, ulla dedit signa. Sed, quamvis externis vix se protulit notis, interna depascens crescit, rerum intus mutat faciem, et serius aut citius, morbos inducere potest; quod, sectiones satis monstrant.

Incifis

Incifis enim tabidorum cadaveribus, eos tabe mesenterica simul laborasse apparuit. In aliis autem exemplis, in iis qui Phthisi laborant, tumores externi, maniseste scrosulosi, observari possunt; quae omnia nexum Phthisin inter et scrosulam satis probant.

Cum Phthisis per totam grassans domum, varios ejusdem stirpis eodem tempore saepe tentet, eam ideirco a contagione ortum duxisse, male quamvis, suspicati sunt nonnulli: A tabe haereditaria haec certe pendet; et causis praedisponentibus rite perpensis, morbum haereditarium esse intellectu parum difficile videtur. Cum enim parentem unum vel alteram plerumque forma externa proles reserant, quo minus structuram similem internam habeant, nil obstare videtur; ideoque, eos constitutionibus, et morbis iisdem fere ac parentes assici, nil mirum est; enim, ut ait Gregorius celebris, "Sanus, sanam prolem, "morbosus, morbosam gignit."

Praeterea, Phthisin non nisi habitus certos invadere, multa docet experientia. Contagioni autem graffanti, tum fortes, tum debiles corpora obnoxia habent. Phthifis vero, eos qui compaginis funt mollioris, solos fere aggreditur. Quinetiam, morbi contagiofi, utrum felici, an infausto terminentur eventu, brevi fpatio plerumque, curfum fuum explere folent.

Phthifis è contrario, a sex mensibus ad annum unum, vel alterum ufque, protrahi faepe consuevit. Quae omnia, ut hunc morbum pro contagiofo habeamus, manifestissime vetant.

CAUSAE EXCITANTES.

· Ad causas excitantes jam pervenimus, vel cas, quae in corpore opportuno facto morbum cient. Hujuscemodi sunt, Haemoptysis, - Catarrhus, -Asthma, -Pneumonia, -Corpora Calcaria,

caria,—Positurae Corporis nonnullae,—Fasciae Thoracem nimis arcte constringentes,—et Tubercula.

Haemoptysis.—A pubertate ad annum trigesimum quintum aut circiter, adoriri solet haec. Sed plerumque adolescentes ad acmen appropinquantes tentat. Plethora arteriarum corporis incremento maxime accommoda, tunc temporis praecipue locum habet; et vasa, ad ultimam sere magnitudinem, distendi videntur. Inter impetum vasa distendentem, et eorum renixum, aequatis viribus, aequilibrium inter aortae circulum et arteriam pulmonalem orietur. Ideoque, si circulus aortae, a quavis causa, vim justo majorem sibi acquirat, talem mutationem pulmones maxime affecturam, et in iis essusiones variis modis progenituram, constat.

Ad hoc quoque, magnopere confert prava thoracis conformatio. Pectoris enim capacitate, tate hoc modo imminuta, vim multam, a fanguine influente, pulmonibus arctius compreffis illatam iri, necessario eveniet; et ab impetu sanguinis in pulmonum vasa irruentis, horum extremitates adeo dilatari possunt, ut sanguis ab iis essundi, et sic Haemoptysis generari queat.

In plurimis autem Haemoptyseos exemplis, suspicanda est vasorum ruptura. Ex hac, ulcus, puris formatio, et pulmonum demum consumptio oriri periclitantur. Haec omnia, quando ad Phthisin suspicatur adesse proclivitas, semper metuenda sunt.

Caeterum, Haemoptoën puram idiopathicam ad hanc movendam parum valere, omnes pro concesso habent.

Catarrhus.—Inter causas hujus morbi hic frequenter recensetur.

Anni tempestates, quibus invadere solet Phthisis, homines quam maxime Catarrho obnoxios obnoxios efficiunt; et, qui phthisici sunt habitus, a subitis frigoris et caloris vicissitudinibus, quae tunc temporis invalescunt, multum afficiuntur. Tussis autem, quacum consociatur Catarrhus, talibus praecipue timenda est; quippe quae, pulmones saepius agitando, et irritando, tuberculorum formationi savere, et sic Phthisin gignere possit.

Asthma.—Hoc, non nisi pari modo, et in talibus constitutionibus, ad morbum suscitandum conferre videtur.

Pneumonia.—Haec quoque Phthisin progenuisse fertur. Sed, nisi labes praegressa fuerit haereditaria, eam ad hoc efficiendum sufficere vix apparet.

Corpora Calcaria.—Exempla nonnulla Phthiseos ab auctoribus enarrantur, in quibus

bus adfuit materiae calcariae cum fanguine vel muco rejectio frequens.

Hujusmodi exempla se tria vidisse memorat Cullenus celebris.

Et Sauvagessus clarus, de Phthiseos causis disserens, concreta talia hisce depingit verbis:

- " On connoit cette espece de la Phthisie, aux
- " calculs rudes, fecs, de groffeur d'une lentille,
- " que le malade rend avec une toux feche,
- " aussi bien qu'aux douleurs aigues qu'il sent
- " dans la poitrine, aux qu'elles fuccedent
- " quelque fois des crachats sanguinolens *."

Virus exanthematicum, quale in Variola, Rubeola, &c. generatur, ad pulmones delatum, Phthisin movisse fertur. Hanc autem Rubeolam saepius excipere notatur; et, quin a tussi singulari violenta, quacum fere semper semet consociare rubeola observatur, et ab inflammatione pulmonum huic saepe superveniente, Phthisis possit oriri, saltem in iis qui ad

^{*} Vid. Sauv. Ocuv. Compl. tom. 9. p. 73

ad eandem proclives funt, vix ullam dubitationem recipere posse videtur.

Virus syphiliticum, in scriptis medicorum, inter Phthiseos causas recensetur. Quin hoc vero solum, etiam in ullis hominibus, morbum gignere possit, nonnihil anceps videtur.

Innumera enim se ostendunt exempla lue sub omni forma laborantium, in quibus pulmones affectos esse minime notatur. Morbum, in iis casibus in quibus subsecutus est, mercurii essectibus qui lui debellandae adhibetur, et singulari aegrorum constitutioni, rectius tribui posse verisimile videtur. Et, quin hujusmodi remedium, ob irritationem quam corpori infert, et debilitatem quam constanter progignit, iis, qui ad Phthisin proclives sunt, inimicissimum sit, vel etiam hunc morbum lethalem in iis movere valeat, vix est cur dubitemus.

Positurae Corporis.—Hae, quibus uti solent sartores, sutores, &c. thoracem constringendo, corpori toti, pulmonibus praecipue vero, multum nocere possunt.

Fasciae, &c.—Ab iis quae jam dicta sunt, quanta mala a thorace male conformato provenire possint, quantumque noceat pessimus iste mos pectus et abdomen arcte constringendi, quo uti solent mulierculae, ut junceae videantur, satis intelligetur.

Contra eum olim invehebantur, et adhuc rite invehuntur medici omnes. Praecipue autem ab eo abstinere monentur, quae labe scrofulosa laborant; in is enim, ab hoc more inepto talis corpori inferri periclitatur injuria, qualis, multis malis, immo Phthisi ipsi januam aperire potest.

Tubercula.—Inter varias Phthiseos caufas frequentior nulla recensetur, quam tubercula. bercula. Cadaveribus eorum qui Phthisi fuccubuerunt incisis, tumores plures, glandulas induratas referentes, diversae magnitudinis, per varias pulmonum partes dispersi, conspiciuntur. Incisione facta, albidi, cartilaginosi, et textura molles esse reperiuntur.

In maturioribus, foramina parva, quafi acicularum puncturis effecta deteguntur, in cava parva, quae pus continent, definentia. In ima
quoque horum parte foramen aliud apparet;
quo inspecto, minores adhuc notantur cavitates, quae, pressura illis adhibita, pure madent.
Tubercula minora, nec cavitatem ullam habere, nec pus continere videntur.

Tumores hi aliquamdiu inertes manent; tandem vero inflammatione corripiuntur, et in abscessus, seu vomicas convertuntur. Hae denique rumpuntur, unde oritur ulcus, et expectoratio purulenta suppeditatur. Ulcera haec, pus malae indolis plerumque essundunt; et acrimonia insigni, ut videtur, praedidunt; et acrimonia insigni, ut videtur, praedi-

18 DE PHTHISI SCROFULOSA

ta, remediis cedere recufant. Sed contra, latius latiusque serpentia, partes depascunt vicinas, et tandem ad mortem confectum perducunt aegrum.

DEFINITIO MORBI.

"Corporis emaciatio et debilitas, cum tuffi,

febre hectica, et plerumque expectoratione

purulenta *-"

HISTORIA MORBI.

Tempore verno, vel finem autumni versus, ingruit hic morbus; et homines intra annum decimum quintum, et trigesimum quintum maxime tentat. In duo stadia dividi potest; quorum

* Vid. Cullen. Synopf. Nofolog. tom. fecund.

quorum prius incipientem, alterum confirmatam complectitur Phthisin.

Stadium prius, quod et inflammatorium dicitur, incipit a tuffi ficca, initio leni, cum molestiae in pectore sensu, et dolore in quadam thoracis parte; hic in latere finistro ad costam quintam vel sextam praecipue sentitur. Nonnunquam de dolore sub sterno, qui tustiendo praesertim intenditur, conqueritur aeger. Dyfpnoea adest, quae corporis exercitatione, praecipue si valida fuerit, multum augetur. Titillatio in faucibus et ad glottidem percipitur. Hac excitatur tussis, et pauxillum sanguinis floridi, saepe spumosi, praegresso sensu salsitudinis in ore, ejicitur; et non raro, dum maxime urget tuffis, accedit vomendi cupiditas, vel vomitus ipfe.

Nonnunquam evenit, ut nullum praeter tussim symptoma, in longum tempus molestum sit. Hoc vero pro effectu catarrhi, vix gravi, ab aegro negligitur. Frigoris applicatione,

plicatione, vel aliis causis saepius renovata tussis gravior evadit; et aegrum decumbentem, et frustra somnum invocantem, summa
molestia vexat. Tunc quoque saevit dyspnoea;
et pulsus, celer, parvus, debilis, nonnunquam
plenus, et duriusculus evadit. Hac rerum mutatione sacta, aeger, amici necnon territi, ab
arte Hippocratica opem petunt; quae, serius
accersita, nihil levationis promittere, nedum
afferre potest.

Morbus, stadio accedente secundo, seu suppuratorio, ingravescit. Tussis, initio sicca, humida nunc evadit, materiam primum viscidam, albidam, vel subslavam rejiciens. Materia denuo coloris subviridis sit vel susci; inter digitos facile teritur, sœtida redditur, et puris malae plerumque indolis speciem prae se fert.

Nunc evidentius, praecipue sub vesperem, defignatur sebris hectica. Prostratis viribus, languescitaeger, et marcescit. Functiones omnes perturbantur. Alvus sere astricta esse notatur.

Rubor

runt.

Rubor circumscriptus insignis in genis se ostendit; rubescunt volae manuum et ardescunt, et magna anxietate opprimi videtur aeger. Symptomata omnia ad noctem mediam usque increscunt, cum, circa caput, collum, et partes superiores erumpente sudore, haec ad horam primam vel secundam matutinam remissionem subeunt, et se nonnihil levatum esse sentit aeger.

In tempus breve vero ei hisce solatiis frui conceditur. Ad horam quintam vel sextam vespertinam, 'accessio enim meridiana, parum 'plerumque notabilis est,' ingravescit sebris; noctem versus multum adaugetur, et pulsu parvo, celeri stipatur. Oriuntur quoque sudores vespertini, et urina, quae per totum morbi decursum solito rubrior suit, sedimentum surfuraceo lateritium deponit. Sudoribus noctu adauctis, et accedente diarrhoea colliquativa, cito vires convelluntur aegroto. Oculi intra orbitas se retrahentes, margaritas colore refe-

22

runt. Fluunt crines. Odoris infignis fætor nunc incipit fentiri. Facies Hippocratica, vox rauca, ungues extenuatis digitis adunci, pedum et manuum oedemata, pustulae aquosae in variis corporis partibus, aphthae fauces et linguam deturpantes, et infomnia turbata, aegrum ad ultima vitae stadia jam vergere, nimis plane oftendunt. Sputum quod antehac copiose expectoratum fuit, aeger, umbram hominis tantum reddens, nunc vix, vel ne vix quidem, rejicere potest; et ejus suppressione maxime torquetur. Delirium nunc fuperveniens, paucos dies, vel etiam horas abesse, quin dissolvatur corpus, testatur. Tandem, porrecto telo crudelis inftat mors; aegrumque, nuper forfitan meliora expectantem fata, saeva corripiens manu, vitam, et fpem omnem, ei uno ictu extinguit.

Notatu dignum est, quod in foeminis uterum gerentibus, symptomata phthisica recedere et levari videntur; prole autem in lucem edita,

edita, rurfus invadit Phthisis, et cita morte perit miseranda mater.

Mania, in nonnullis exemplis, morbum relevasse, vel etiam omnino amovisse fertur; in aliis autem, hac decedente, symptomata omnia Phthiseos renovata sunt, et aegrum ante diem sustulerunt.

RATIO SYMPTOMATUM.

Tussis sicca, quae primum fere inter symptomata, quae hunc morbum designant, observatur, a tuberculorum formatione, et irritatione ortum ducere videtur; et, frigore applicato, saepe adaugetur.

Dyfpnoea ab actione quadam infolita pulmonibus illata, dum formantur tubercula, et a conjectione fluidorum in pulmonibus facta, et ab obstructionibus eorundem pendere potest.

Dolor

24 DE PHTHISI SCROFULOSA

Dolor in pectore ab iifdem causis provenire videtur.

Sanguinis fputum a ruptura vasorum maxime oritur.

Corporis debilitas et emaciatio ab obstructionibus pulmonum, et prava cibi assimilatione deduci possunt; et sudoribus qui accedunt, multum adaugentur. Obstructiones quoque glandularum mesenterii, quae in tabidis locum habere memorantur, ad hoc haud dubie nonnihil conferunt.

Expectoratio purulenta a vomicarum ruptura, et ulceris formatione profluit; et si sanguine tincta fuerit materia ejecta, vasa quaedam erosa esse argumento est.

Febris Hectica.—Hanc febrem, semper ab absorptione puris, ex ulcere vel abscessu, in aliqua corporis parte pendere nonnulli putaverunt medici. Quin nonnullis in exemplis, ex puris in quadam corporis parte formatio-

ne haec oriatur, non est dubitandum. Sed rem ita se constanter habere, minime patet.

Febrem enim veram hecticam, cum diabete femet conjungere, in praelectionibus suis docet Gregorius eruditus. Et ei quoque assentitur clarissimus Home*. In hoc morbo suppuratio minime suspicari potest. Praeterea, febris hectica, quae Phthisin comitari solet, in stadio primo, antequam pus formari videtur, invadere notatur.

Ex his igitur, istam febrem alias quam puris absorptionem solam causas agnoscere, concludere licet; et eam in Phthisi, irritationi magnae a tuberculis sactae, quae vel inslammantur, vel suppurantur, ex magna parte tribuendam esse, non sine ratione gravissima potest judicari.

Sudores a debilitate et relaxatione ortum ducunt; sanguis enim ob eas, ad extremitates inferiores, languidiore vehitur cursu, dum in

D partes

^{*} Vid. Princip. Med.

partes superiores satis adhuc, vel plus justo etiam impellitur.

Diarrhoeam quoque cum debilitate multum nexûs habere, ex hoc cogi posse videtur, quod per ultima morbi stadia ingruere fere notatur. Phthisi ad extrema jam progrediente, exacerbationes febriles rariores occurrunt; sudores et sputa fere supprimuntur; et sluidis ob debilitatem insignem introrsum repulsis, materia nociva, quae antehac, sudore erumpente, è corpore eliminari solebat, ad intestina dirigitur, et diarrhoeam excitat.

Phthiseos progressum, foeminis uterum gerentibus, ad partum usque retardari, supra dictum est.

Dum mulier gravida est, ut magna sluidorum copia, quò bene nutriatur soetus, ad uterum dirigatur, Provida Natura jussit. Hinc, a pulmonibus avertitur sanguinis cursus; congestiones tolluntur, vel saltem minuuntur, et mala ab iis proficiscentia aliquamdiu depelli videntur. videntur. Prole autem in lucem fuscepta, fluidorum impetus ad uterum brevi cessat. Fluidis ad pulmones iterum directis, symptomata phthisica redeunt, et matrem miserandam ad mortem tandem perducunt.

DIAGNOSIS.

Phaenomenis, quae in phthifi fe oftendunt, perspectis, Catarrhus solus morbus, qui eam tantum similitudine refert, ut cum ea consundi possit, esse reperietur. Inter hos morbos tamen, multis in exemplis, discrimina sequentia ad justam diagnosin instituendam nos perducere possunt. Imprimis, ad habitum corporis, et alias causas praedisponentes respicere, et de morbis quibus aeger, vel familia ejus proni sint, se certiorem facere debet medicus.

Praeterea, tussis phthisica sicca est, et nullo frigore applicato saepe redit.

Catarrhus

Catarrhus vero, tussi plus minus humida, ab initio usque stipatur, et eum, gravedo, coryza, et infarctus in pectore sensus, praecedere solent. Mitis quoque fere est hic morbus, et remediis facile cedit. Praecipue autem in diagnosi instituenda, notatu digna est debilitas insignis, quae phthisin ab ingressu etiam nunquam non comitatur; in provectioribus morbi stadiis, nonnihil auxilii forsitan peti potest a materiae expectoratae colore vel conditione. Quae vero hinc concluduntur, ea admodum incerta sunt. Hic vero, emaciatio corporis singularis, halitus insignis soetor, et febris hectica, medicum de re ambigere omnino non patiuntur.

PROGNOSIS.

In plerisque exemplis, infaustum finem habet hic morbus; et in junioribus funestior quam quam in fenioribus esse observatur. Phthisis a tuberculis oriens omnium periculosissima est. Et si febris sudoribus copiosis, et insigni corporis emaciatione stipata urget; si, dum sputa omnino supprimuntur, vel parca et soetida solum redduntur, diarrhoea supervenit colliquativa, et delirium accessit; tunc quidem, omne timendum est, nec ulla omnino sanationis spes superest.

RATIO MEDENDI.

Huic morbo autem medendi, tria funt confilia;

Primo, Causas excitantes tollere.

Secundo, Tuberculorum inflammationi obviam ire, et eadem refolvere conari.

Tertio, Symptomata maxime urgentia lenire.

Cum

Cum causae variae, quae morbum excitant, jam enumeratae sint, ut eas hic loci recenseam, omnino supersluum est; nec ut remedia quae singulae postulant, speciatim proponam, necesse esse videtur. Omnia enim eas spectantia per ea, quae in paginis sequentibus sunt memoranda, satis illustrabuntur.

Quod ad secundum attinet; uberculorum inflammatio praecavetur, et eorum resolutio promovetur sanguinis missionibus, irritatione omni vitanda; et quantum diaetam spectat, victu antiphlogistico utendo. Ad idem propositum quoque tendunt, quaecunque sluida a pulmonibus superficiem versus avertere possunt.

Detractio fanguinis, in inflammatione tuberculorum minuenda, a nonnullis valde laudatur; et quidem magnum commodum polliceri videtur. Sed, ob debilitatem quae Phthifin femper comitatur, ut in ea inflituenda, quam cauti fimus, apprime necessarium est. Nec, nisi dolor pectoris, dyspnoea, et tussis saeviunt, et pulsus arteriarum pleni, et calor magnus hoc postulant, ad tale remedium confugere debemus.

Irritatio omnis vitanda est, praecipue ea quae sanguinis ad pulmones cursum promovet, ut cantus, exercitatio vehemens, &c.

Alvi aftrictio, laxantium idoneorum yel clysmatum mitium ope, sedulo praecaveri debet. Animus quoque aegri, quantum sieri potest, hilarandus est. Aeger, blando, et concoctu facili cibo uti debet. Materia media, ut loquuntur medici, tabescentibus maxime idonea est. Farinacea vegetabilia, ova sorbilia, et lac, satis nutrimenti praebent, nec proclivitate ad inslammationem gignendam nocent; lac diversorum animalium, pro aegri habitu, et vario rerum statu, praecipi solet, vaccarum scilicet, caprarum et asinarum.

Lac caprarum et vaccarum, quod multum nutrimenti supplet, prioribus magis convenit stadiis, ftadiis, quando ventriculus virium fatis possidet, ut hoc bene concoquere possit. Nonnunquam evenit, ut lac vaccinum ventriculo minime bene sedeat, quod è rejectione materiae coagulatae videre licet. Hoc malum aliquatenus praevenitur, absorbentia lacti addendo, quae ejus proclivitatem ad acorem corrigere possunt; vel, cum lac purum ventriculum male afficit, serum ejus, et lac ebutyratum, quae satis alunt, et corpus refrigerant, et alvum leniter solutam tenent, commode sumi possunt. In talibus exemplis quoque, lac asinarum multum celebratur.

Potulenta varia aegro parari possunt. Lac, ex aqua probe dilutum, vel ebutyratum, vel serum ejus potum idoneum praebet. Vel in horum vicem substitui potest, ex decocto hordeaceo, vel surfuraceo, pauxillo sacchari, et limonum succi, pro aegri gustu, adjecto, potio grata confecta. Fructus varii acescentes, modo maturi sint, apprime utiles sunt; quippe

qui

qui sitim compescunt, calorem minuunt, et alvum leniter solutam tenent.

Morbo provectiore, quando debilitas praecipue urget, pauxillum carnis vitulorum, vel pullorum gallinaceorum, vel jusculi tenuis, ex his confecti, aegro concedere licet. Vel è piscibus, ut conchyliis, ostreis, cancris, alimentum ei parari potest. Et modica portio vini, vel cerevisiae Londinensis bene lupulatae, aegro, prout haec, vel illud, ei magis placuerit, minime neganda.

Medicamenta multa, vel tuberculorum refolutionem promovendi, vel ulcera in pulmonibus fanandi confilio, propofuerunt medici. Ex his, praecipua funt, Mercurius, Myrrha, Cortex Peruvianus, et Cicuta.

Ab ingenioso GILCHRIST in hoc morbo multum laudantur pilulae mercuriales. Alii vero, experientia docti, mercurii usum parum probant. Ob vim stimulatricem, eum phthisicis inimicum fore, verisimile videtur. Et

eum, multis in exemplis, in quibus ipse praescriptum vidit, non solum non profuisse, sed plane nocuisse, testatur Cullenus celeberrimus.

Myrrha, in Phthisi, a nonnullis multum laudata suit. Dosibus, granum dimidium continentibus, bis vel ter indies detur. Effectus ejus tamen, votis nostris non semper respondent.

Cortex Peruvianus in hoc morbo faepe praecipi folet. Et, si vires ejus corroborantes respiceret, eum, ad debilitatem, quae in Phthisi se ostendit, tollendam, et sebrem arcendam, multum facere posse, conjiceret aliquis. Quamvis vero, nonnullis in exemplis, symptomata, in tempus, leniora reddere videtur, brevi tamen, redit morbus, et aegrum tandem consumit.

Cicutam tumores scrosulosos resolvendi, et ulcera mali moris sanandi causa, externe applicatam, cum beneficio saepe praecipi, docet experientia. Hinc, in Phthisi, ab ejus usu aliquid

aliquid boni saltem sperare licet. Caute admodum ad eam confugi debet; ab ejus usu imprudente enim magna mala provenire possunt.

Ad refolvenda vero tubercula, praecipue conferre videntur ea, quae, fluida superficiem versus a pulmonibus avertunt. Hoc consilio praescribi solent medicamenta vomitoria. Quo magnis dosibus administrentur, minime suadendum. Sed, si ita sumantur, ut nauseam solam, vel vomitionem, in unam vel alteram vicem, ciere possint, magnum commodum adferre saepe invenientur.

Emetica mitiora, ut ipecacuanha, &c. huic confilio optime respondent. Haec medicamenta hoc commodi quoque habent, quod materiam acidam, indigestam, è ventriculo expellunt, et insuper, corpus totum leniter agitando, muco vel pure pulmones exonerant, et sic dypsnoeam, et tussim, relevare possunt.

Quo maturius ad emetica decurritur, eo plus proderunt.

Subucula lanea, Phthisicis maximo erit benesicio. Corpus enim leni calore sovet; impetum sluidorum constantem ad cutem sustainet, sudorem erumpentem absorbet, nec madere, nec frigescere, ut lintea, sentitur Et ut tibialibus laneis utantur, semper suaderi debent tabidi.

Exercitatio variorum generum phthificis magna promittit commoda.

Ambulatio et equitatio multum in hoc morbo valent. Ne nimis vehementes sint, vel justo diuturniores adhibenda est cura. Equitationem in omnibus morbi stadiis remedium praestantissimum esse afferit Sydenhamus. Tantam vero in ea siduciam collocandam esse, praxis hodierna minime testatur. Haec sub initium morbi praecipue utilis erit; et horis matutinis, cum febris nonnihil remittit, circumscribi debet. Equitationi ve-

to, quando ad haemoptysin suspicienda est proclivitas, longe praestabit gestatio in curru, fed praecipue navigatio. Hanc ultimam in Phthisi optimos edidisse effectus, è scriptis medicorum patet. Ab aëris marini puritate, et vaporibus falinis inhalatis, non parvum oriri commodum, a nonnullis censetur. Et certo, fi aëris marini puritas, vel ulla alia virtus, ad vitia pulmonum amovenda conferre possit, ab co bonum oriturum fperare licet, quod, aër marinus, ad refpirationis organa, rectà fere, et constanter applicari queat; et hoc modo, haud dubie, commodo fruitur, quod vix ullis aliis remediis contingere potest. Praeterea, ob nauseam et vomitionem, quas movere solet, multum juvare reperietur navigatio.

Corpus, ope sellae pensilis, frequenter agitare, intra paucos annos proxime elapsos, multum laudatum fuit *. Et exempla memoriae produntur, in quibus phthisicis, magnum attulisse

^{*} Vid. SMITH on Swinging.

attulisse commodum fertur. Ideoque, ut ad hanc exercitationem decurrant, iis procul dubio suaderi debet.

A coeli mutatione, in Phthisi tractanda, maxima spes, vel morbum ex toto depellendi, saltemve levandi, deduci potest. Hoc praestantissimum esse remedium, Natura ipsa docet. Morbus enim, aestate labente, mitescere notatur. Hinc, a plaga frigida et procellosa, ad regionem temperate calidam, et serenam itinere sacto, aeger, aestate quasi perpetua, placidaque, per plures annos frui potest. Et hoc consilio, ad Galliam Meridionalem, Lusitaniam, Hispaniam, Italiam, vel insulam Madeiram, phthisici migrare solent, et, si ad hoc remedium tempestive consugiatur, saepe cum selicissimo eventu.

Vesicatoria, Fonticuli, et Setacea in hoc morbo, saepe praescribi solent.

Vesicatoria procul dubio ad dolorem pectoris levandum apprime accommodantur, et in usum

usum revocari possunt, cum, varias ob causas, sanguinem mittere parum tutum foret.

Alia vero, tametsi nonnunquam prosunt, effectibus perquam incerta sunt; et nonnullis aegris, tantum molestiae, et cruciatus inferre solent, ut haudquaquam tolerari queunt. Ideoque, in plerisque exemplis, ea omittere forsan praestabit.

Ad confilium ultimum, demum perventum est; nempe, Symptomata maxime urgentia lenire.

In hoc explendo, in fudores, diarrhoeam et tuffim, convertenda est attentio nostra.

Ad sudores compescendos faciunt, potus refrigerantes et acescentes, praecipue ii, quibus aliquid acidi vitriolici adjunctum est. Aër quoque frigidulus, caute ad aegrum aspirare permissus, prodesse potest.

Diarrhoeae levandae praecipiuntur astringentia; ut gummi Kino, extractum catechu, aquae ferro imbutae. Opium quoque, huic consilio

40 DE PHTHISI SCROFULOSA, &c.

confilio apprime infervit. Hic etiam, ob vires antisepticas, fructus acescentes, valde utiles sunt; caute tamen administrari debent.

Praestantissimum vero adversus tustim praefidium est opium, si fatis liberaliter adhibeatur. Tufficula ab eo consopitur, et aeger gravissima molestia aliquamdiu liberatur. Ideo, hinc auxilium faepe petatur, opus est; " et profecto (ut nitidissimis Gregorii verbis " utar), in omnibus morbis, quum jam ad ex-" trema ventum est, et instantis mortis indi-" cia spem nullam curationis relinquunt, " aliquid adhuc folerti medico faciendum " fuperest; erit enim quoddam, in tali miser-" rimo et desperato statu, lenire mala quae " summovere nequeat, et in Savariar faltem " moribundo moliri, fiquidem vitam ejus " neque conservare possit, neque amplius " producere *."

* Vid. Confpect. Med. Theoret.

FINIS.

